

Propoñémosche unha ruta a medida para que goces duns días inesquecibles nas Rías Baixas.

Os museos imprescindibles, os enclaves naturais e patrimoniais das principais poboacións e a gastronomía que non podes perder.

## Día 1:

## SALVATERA DE MIÑO E AS NEVES

**5 Museo da Ciencia e do Viño**

Situado no castelo de Salvaterra, difunde a tradición vitivinícola galega, en especial da D. O. Rías Baixas.

**6 Recinto amurallado de Salvaterra (Salvaterra de Miño)**

Construción orixinaria da Idade Media, este recinto amurallado con distintas dependencias constitúe unha envexable atalaia sobre o río Miño.

**Termas de Salvaterra (Salvaterra de Miño)**

Están situadas nunha ampla paraxe natural, contan con varias pozas termais ao aire libre. Recuperáronse unhas antigas termas recoñecidas polas propiedades curativas do manancial de Teáns.

**9 Centro de Interpretación do Patrimonio e local sociocultural de Taboexa**

Descubre o patrimonio natural, histórico e arquitectónico da parroquia de Taboexa.

**Xacementos de Couto do Conde e de Portomaior (As Neves)**

Unha paisaxe salpicada de afloramentos de granito onde os homes e as mulleres do Neolítico e da Idade do Bronce expresaron as súas crenzas e, probablemente, marcaron o seu territorio, mediante o gravado de figuras zoomorfas, espirais ou motivos reticulares.

**Xacemento de Altamira (As Neves)**

A situación deste castro fai que sexa visible desde calquera punto do val do río Tea, e ten por ese motivo unha grande visibilidade sobre a zona circundante. Ademais desta importancia estratéxica fixéronse neste castro importantes descubrimentos de materiais, entre os que destacan algunhas figuras de bronce romanas.



### **Pesqueiras do río Miño (Crecente, Arbo, As Neves, Salvaterra de Miño)**

É probable que as pesqueiras ou pescos que hai na beira do río Miño sexan de época romana. Conforman un patrimonio único que se segue utilizando e que consiste en construcións de pedra en forma de paralelepípedos que provocan correntes e facilitan a captura de distintas especies de peixes de río, fundamentalmente o salmón, a lamprea e a zamborca. Existe unha ruta sinalizada que percorre un pequeno tramo do río Miño con pesqueiras.



### **3 Festa do Viño do Condado do Tea (Salvaterra de Miño)**

Festa de Interese Turístico de Galicia con máis de medio século de tradición, que ten lugar no mes de agosto e na que os viños de Salvaterra de Miño se acompañan da degustación doutros produtos da zona.

## **Poderás desgustar os viños da Denominación de Orixe Rías Baixas, subzona do Condado do Tea en:**



### **1 Bodegas La Val**

Lugar da Muguiña, Arantei, 36458 Salvaterra de Miño



### **2 Bodega María Bargiela**

Porto de abaixo, 10, 36453 Salvaterra de Miño



### **8 Bodegas Coto Redondo – Señorío de Rubiós**

Bouza do Rato, s/n, 36449 As Neves



### **4 Festa do Viño Espumoso (Salvaterra de Miño)**

Festa gastronómica dedicada ao viño espumoso, unha produción singular elaborada maioritariamente con uva albariña e que pertence á Denominación de Orixe Rías Baixas. Ten lugar na primeira fin de semana de decembro.



### **7 Festa do Requeixo e do Mel (As Neves)**

Festa de Interese Turístico de Galicia, que ten lugar no mes de marzo, dedicada a unha sobremesa de longa tradición nesta localidade. A súa orixe sitúase no século

XII e crese que era o alimento que se lle daba aos peregrinos.



## Día 2:

### PONTEAREAS, MONDARIZ E MONDARIZ-BALNEARIO



#### 10 Museo Municipal de Ponteareas

Situado nunha antiga fábrica de curtidos, ofrece un percorrido pola historia da comarca, dá a coñecer os fillos ilustres do municipio, mostra a obra artística de autores locais e pon en valor a festividade de Corpus Christi, moi arraigada en Ponteareas.



#### 11 Miradoiro do monte da Picaraña sobre o val do río Tea (Ponteareas)

Desde a cima, a 387 metros de altitude, obtense unha vista panorámica do val do río Tea e do castelo de Sobroso. Onde anteriormente había un castelo medieval levántase unha gran cruz que marca o final dun Vía Crucis.



#### 12 Castelo de Sobroso - Centro de Recuperación de Cultura Popular

Situado na cima do monte Landín, a súa orixe sitúase no século XII aínda que foi reconstruído no século XIV como unha das fortificaciónes máis imponentes de Galicia.



#### Petroglifos de Gargamala (Mondariz)

Afloramientos graníticos con petróglifos, realizados hai 4.000 anos, con deseños cruciformes, zoomorfos, círculos concéntricos, figuras humanas...



#### 13 Castro de Troña (Ponteareas)

Poboado da Idade do Ferro protexido por unha sólida muralla, un singular torreón, un foso escavado na roca e varios parapetos. No seu interior recuperáronse máis de 30 vivendas. Consérvase un petróglifo que representa unha serpe e que a tradición popular denomina Serpe de Troña.



#### **14 Golf Mondariz (Mondariz-Balneario)**

O Balneario de Mondariz conta cun atractivo campo de golf de 18 buracos cun percorrido divertido e esixente, integrado nun contorno natural e que é todo un referente entre os campos de golf de Galicia.



#### **15 Balneario, fontes de Mondariz e a seu contorno (Mondariz-Balneario)**

Xa en época romana eran coñecidas as propiedades das fontes do lugar e no século XIX foron descubertas polo Dr. Peinador Vela, que construíu un dos balnearios de España de máis prestixio. Tamén innovou na comercialización de auga mineral envasada.



#### **Rosquillas de Ponteareas**

As rosquillas de Ponteareas son un dos produtos gastronómicos con maior reputación da localidade. Habitualmente son de follado e moi crocantes.